

## Šaltis

Truobuo sosėtraukus, net kopra ėššuoka  
– Kor ta šėlomelė dinga, kor ana?  
Lauk žalė medelė dar tik vuos ėšspruogė,  
Lauk sena Barbelė ugni kordama.

Vėina šalta dėina erdvės duovėnuojė,  
Vuo paskou pu kėima siautiejė snėigā,  
Jau nebūt stebuklā, je laivielis Nuojaus  
Gelbietė atplaukto skėstontiu Goa.

Kas somaiša laikū nustatīta kaita?  
Žmuonis tik spėliuotė linkė puostingau,  
Vuo teisībė konėgs par pamuoksla skaitė –  
Valondas tau skėrtas to brongink, žmuogau.

Ė nepūsk i raga, ka kažkas tau gailės,  
Ka kažkas somaišė snėiga so lītās  
Dieliuok sava buiti tik duorā ė dailė –  
Ė kuožna dėinelė laukama ātės.

Pagalvuojus Barbė krīžiaus ženkla braiža  
Ont kaktuos, krūtėnės, ont vėsuos dėinuos,  
Ė ėš džiaugsmā lūpas mielėnas aplaižius  
Sotėktėms kaimīnams laimė duovėnuos.